



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 21/106	Løpenr: 21/989
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Naturutvalet	09.02.2021	001/2021

Faste saker

09.02.2021 Naturutvalet:

Handsaming i møtet:

Utvalet sitt kvarter:

Monika Tjønnå (Sp): Ho hadde høyrte at VA-prosjektet i i Eikedalen ikkje vil verte noko av, og spurte om dette stemte.

Administrasjonen orienterte om at det arbeidast med å forprosjektare for VA-ledningar i Eikedalen og at kommunen snart er klart for å gå i dialog med Kvam for oppfølging av avtalen om vidareføring av Kvam sitt VA-nett.

Knut Harald Frøland (ordf.) stilte spørsmål om mogleheita for levering av vatn til private brønnar. Administrasjonen orienterte om at kommunen ikkje leverer vatn til private brønnar/vassverk. Kommunen har ikkje bilar eller tankvognar til dette. Branntankbilen er i beredskap og kan ikkje nyttast til vasslevering. Administrasjonen vart beden om å sjekke ut om det det kunne etablerast ein vasspost for dei som hadde frosne vassrør.

Karl Kolbotn (Frp) orienterte om at møtet med hjortevalsleiarane vert utsett til det er mogelg å ha fysisk møte med dei.

Informasjon til naturutvalet frå Eining for Samfunnstuving:

- **Norva 24 – prosedyre på tømning.**

Dei har avtale med kommunen om å tømmer spillvatn i kommunal slamavskiljar i Rolvsvåg. Slammet frå både kommunale og private slamavskiljarar i Samnanger går vidare til Sløvåg. Dette i tråd med reglar for tømning og avtale Samnanger kommune har med Norva 24.

- **Ytre- og Indre -Tysse -status VA-utbygging.**

Det pågår arbeid med sikre/avtale om grunn til pumpestasjon, jf. reguleringsplan. Det er kartlagt alle husa på Ytre-Tysse for kven som har og ikkje har vatn/avløp. Vi har pågåande dialog med BKK og fleire ulike teleselskap om straum og nett i felles grøft saman med VA. Samnanger kommune har rammeavtale på VA-arbeid med Odland om utføring av gravearbeidet. Denne har vore på anbod.

Etter planen tek vi sikte på å sende brev med informasjon til husstandane no i vår og starte graving når alle avtalar er på plass før ferien.

- **Områdeplanen og mogleighetsstudiet Bjørkheim**

Oppdraget om eit mogleighetsstudium for Bjørkheim blei lagt ut på anbod på EU-supply i slutten av 2020. Tidsfristen for å sende inn anbod for oppdraget var sett til 12.01.2021. Det kom inn 15 anbod, og HR Prosjekt AS vann konkurransen. Vi kjem ut med ein formell kunngjeringa av planarbeidet no i februar, PBL. Der fristen for innbyggjarane/næringslivet og andre off.instansar å komme med innspel vert i løpet av mars. Vi jobbar med innspela og mogleighetsstudiet utover våren og tek sikte på å legge fram planen for naturutvalet til 1.handsaming i septembermøtet.

- **Tilskot – søknad TS-midlar og klimasats.**

Det er søkt om enkeltpunkt - veglys på punkt, som er omtala i trafikksikringsplanen – Øpstebo og Hisdalen. Desse er knytt til skuleveg og busstopp. I tillegg er det søkt om 50% i tilskot til gangstien frå Bjørkhaugen til Hagebotnane. Dette tiltaket er og heimla i trafikksikringsplanen som 1. prioritert. Søknad kan verte trekt jf. Handsaming av sak 04/21. Fristen var 1.februar.

Vi søker og om klimasatsmildar med håp om å få finansiert og framskunda arbeidet med ein klimaplan. Fristen er 15 februar.

- **BIR – Samnanger er pilotkommune** for innsamling av matavfall.

Det er vedteke nasjonalt at matavfall skal vere sortert frå 2023. BIR framskudar innsamling av matavfall i pilotkommunane til april i år. Det betyr at Samningane vil få utlevert boks og pose for dette. Det vil i prøveperioden verte undersøkt korleis dette kan påvirke både frekvens for avfall og om dette bør gje endringar i gebyra. Matavfallet vil gå til Micro algeproduksjon på Mongstad og til larvefor for hos Ivertapro på Voss.

- **Status forureiningssaker.**

Båtvrak som gjekk ned i Hattavika er fjerna av eigar. Lensene som ble lagt ut av brannvesenet/IUA er teken opp land og skal fjernast når frosten forsvinn. Dei er diverre fastfrosen no. Eldgamalt båtvrak i Rolvsvåg – ved Rindane. Vraket fører nok truleg ikkje akutt forureining, men inneheldt ein del skot og metall som forsøplar stranda der. Vraket vert fjerna av BOF i løpet av våren.

- **Status og oppfølging av pålegg** på eigedommar om utbetring/riving.

Pågåande ulovleg oppfølging Høyseter – dialog med eigar.

Pågåande pålegg om utbetring på Ytre-Tysse – dialog med eigar og eigedommen er sikra inntil vidare. Vi ønskjer å få tidfeste restaureringa i løpet av våren.

- **Brann og utkøyring av vatn til private tankar/vassverk –**

Brannbilen kan ikkje verte nytta til utkøyring av vatn. Den er i beredskap og kan ikkje vera i andre oppdrag. Viser og til svar under utvalet sitt kvarter. Rådmannen sitt framlegg til vedtak vart samrøystes vedteke.

NAT- 001/2021 Vedtak:

- Møteinnkallinga og saklista vert godkjent.
- Orienteringssaker/referatsaker vert tekne til orientering.

Rådmannen sitt framlegg til vedtak:

- Møteinnkallinga og saklista vert godkjent.
- Orienteringssaker/referatsaker vert tekne til orientering.

Oversikt over faste saker:

Godkjenning av innkalling og sakliste.

Eventuelle merknader til protokoll frå førre møte.

Orienteringssaker/referatsaker.

Utvalet sitt kvarter.